


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940

30

T 3222/0 . 83. 2



福建續志卷七十

哈佛大學漢和圖書館珍藏印

列女十二

福寧府

國朝

名媛

林蓮生諸生陳世纓妻通內則女誠諸書曉大義孝
養令儀有古淑女風康熙三十八年秋大水漂沒
廬舍氏知不可救攜大及先代遺書以溺人咸哀

之

福安

節孝

童舉娘貢生澹齋女許醜盛天宜未婚而夫亡聞訃
奔喪願以身殉舅姑勸諭至再并爲立嗣矢志貞
守卒年五十七學使沈涵表曰貞操慈範乾隆間
入節孝祠

袁巧宋生員陳士啓妻年二十四而寡食茶飲藜苦
節六十餘年董刺史表曰金閨樹範卒年八十七
游保娣儒童陳昌祿妻年二十而夫亡守節四十六
歲

徐救娘生員林沂妻年二十九夫故無子孀守立姪
爲繼卒年七十三

陳晚娘張天錠妻二十八夫亡三孤皆幼家無餘積
紡績撫養營葬舅姑卒年六十一

鄭英娘葉陽朝妻年十九夫歿子幼女工自給守節
至年八十二 恩賜粟帛

周氏生員張士奭繼母年十九夫亡守節奉庶姑而
育前妻孤子有畫荻之風

施氏陳同寅妻年二十五夫亡子幼苦志孀守孝事
舅姑年四十一無疾而逝

馮貴娘生員王紹儼妻年二十四夫故舅老病焚香
祈禱減壽以代割股和藥李州牧表曰貞節可風

李贈姊儒士鄭承裕妻年二十九夫亡家貧孀守奉
姑撫子各盡其道年六十七卒李州牧表之

彭耿娘庠生宋天柱妻年二十四夫亡僅生一女貞
守奉姑以孝聞卒年七十八

黃氏吳士奇妻年二十夫亡守節六十載事舅姑以
孝

謝綾娘庠生嚴正朝妻生員兆颺母年二十九夫亡
事姑訓子盡節而終年五十六

劉氏張曾沂妻年二十一而寡孀居三十五載卒年
六十五

劉氏生員楊白燦母年二十三夫亡痛不欲生因遺
腹忍死矢志孀守訓子有方

石氏張凌選妻年三十夫亡子三俱幼家貧孀守女
工自給卒年八十六

鄭氏危彬妻舉人佑啓母年二十于歸三閱月而夫
故悲痛欲絕因娠忍死及生男訓誨有方登雍正
乙卯賢書事舅姑以孝聞乾隆間旌

陳貴娘許士彥妻年十九而寡姑老子幼家貧緝績
以供朝夕孀居三十餘年而卒

游美娘年十八歸戴其漣甫二歲夫故撫幼子事舅

姑孀居至六十九卒

吳順娣鄉賢吳廷琪女年十九適方乃霖未有子而夫故矢志堅守篤孝事姑卒年七十四

陳五娘周士燾妻年二十七而夫亡家貧勤女紅以養姑育子守節三十年卒

彭寧使吳永初妻年二十六夫亡遺一男一女節操不二事舅姑克盡甘旨爲夫營窀穸卒年七十六
陳新娘廩生陳桎女許王蓋未婚而亡氏奔喪矢志守貞七年卒乾隆間入節孝祠

吳賢姐儒童魏文斌妻年十九而寡遺腹一子舅姑及王父母猶存氏奉寢侍疾不怠及歿喪葬盡禮鄉里稱之苦節六十五載卒年八十四

張氏吳萬錚妻年二十六夫故家貧子幼矢志守節卒年八十三

張救娘林勤妻年二十四而寡歲大疫舅姑與夫相繼而歿家貧無依或勸其他適氏曰苟圖目前之飽煖他日何以見吾夫於地下乎矢志撫孤女紅自給卒年六十七

謝氏吳永愉妻年二十一夫故無子紡績養姑苦節終身

黃氏董生妻年二十四夫亡一姑一子伶仃相依織紉以養喪葬皆無失禮卒年七十八

蕭氏吳以勇妻年三十而寡家貧子瞽貞志撫養邑令旌曰勁節引年年七十二卒

王氏劉長妻年二十七夫亡家貧姑老子幼親鄰歛錢爲殯姑歿氏女紅以度苦節三十餘載

薛氏張文獻妻二十五而寡無子孀守卒年六十一
林氏年十八歸周其昌六閱月夫歿遺腹生子事姑撫孤子又歿氏保幼孫成立卒年五十四

姚米娘生員王豫妻年二十四而寡氏欲以死殉家

人防之乃釋後立姪爲繼卒年五十一

林氏王麟臣妻年二十夫故苦節二十九年卒廣文朱藕穿贈以詩有貞松餐雪老慈竹耐霜凋之句

彭氏林綱妻年三十夫亡子幼孀守終身

莫氏張元起母年二十二而寡遺腹生元起家貧孀守三十餘年而卒

吳州娘從儀子年十四父病刲股以療郡守表其閭周氏儒士丁長妻年二十而夫亡家貧撒釵以養舅姑立後以延宗祐守節六十餘年

盧氏年二十適林立椿未逾年而夫故孀守奉姑績

經三十餘年姑歿竭力營葬守節六十年

阮氏游育廣妻年二十一而寡僅生一男家貧紡績以養姑育子守節六十年

葉就姐廩生陳經妻經故遺幼孤二教養成成人勤緝經爲夫營葬

馮敬娘劉瑞鳳妻二十二歲夫故無子立後娶媳生孫嗣子又歿與孫相依家貧苦節四十餘年

柳氏生員董元基妻未數歲而寡一孤在抱遺腹又生子自誓守節先是氏姑黃氏亦孀居撫子氏復矢姑之志訓子有成鄉里稱爲雙節卒年六十四

張招姐儒士劉兆鏞妻未婚夫故氏年二十一聞訃往哭夫殯執婦道尤謹舅繼亡與姑吳氏苦志堅守緝經營葬

林鸞使儒士張士晃妻子歸踰年夫故遺娠苦志孀守訓子步捷入泮乾隆間旌

朱成娣方日進妻年二十六夫亡孤幼舅姑俱老奉養不怠

楊氏艾懷卿妻年二十三于歸二年而寡家貧子幼子歿哺孫茹茶飲血始終不二

林氏陳杏觀妻年二十五夫亡家貧勤女紅以養姑

育子守節三十餘年

盧氏儒士馮有京妻年二十三夫故無子立後守節
勤儉持家葬祭公姑無失禮

劉雅娣馬師凱妻年十七未婚夫疾篤入侍夫故守
貞立夫弟子爲繼苦節三十餘年

卓氏王芝叢妻年二十六夫亡家貧子幼勤擘績給
薪水以奉舅姑貞操四十餘年

周氏陳楷觀妻年二十六未有子夫臨歿囑勿再醮
周泣誓曰禽獸之行吾斷不爲孀居四十餘年

張午使陳傅祿妻年二十一于歸八載夫亡撫孤守

義事舅姑以孝聞喪祭如禮子女婚嫁克全婦道

俞氏李甫妻年十六于歸二載而夫故二代高堂孝
養不倦及舅姑卒喪葬盡禮

俞氏生員歐向乾妻于歸六月夫亡敬事舅姑操守
三十二載

盛氏庠生鄭挾妻于歸八年夫卒奉事舅姑克盡婦
道以上
霞浦

林月使鄭世麟妻夫死家貧艱貞守節撫三孤成立
歷年七十五

陳玉使王紫卿繼妻夫亡撫前室子與所生二子無

異州遭兵變節操彌堅雍正間祀節孝祠

王純使黃天弟妻夫亡遺二孤氏年二十五紡績奉姑撫孤有成雍正間旌表

劉外使吳瑞彪妻年少而寡紡績事姑初氏母疾割股以療姑病亦如之撫三子成立雍正間旌

連珠使劉學宰妻學宰赴試溺死一女無子氏泣血矢貞紡績奉姑立姪爲嗣歷四十餘年

劉珠使鄭如金妻夫早世矢志守節孝翁姑誨嗣子乾隆間旌

鳳使躍麟女許字陳元炳將結褵元炳卒鳳使素

服臨其喪撫養嗣子守節六十餘年

林細妹年十七適王兆平育一女夫卒舅姑憐其少令改適氏不從奉侍益謹撫姪爲嗣孀守五十餘載

劉杏使蘓洋女年二十一適鄭尚儲期年而亡氏欲身殉舅姑慰之忍死服勞姑死痛哭絕飲食廢湯藥亦卒年四十立姪承祧乾隆間旌

繆秋使文饒女歸諸生陳桂五載桂病篤與訣囑以二親秋使嗚咽受命桂卒紡績孝養三十餘載撫姪爲嗣長娶於鄭二年復天繆感以大義姑媳相

依撫孫貞守乾隆間 旌

郭奶使黃有達妻年二十六夫卒家貧撫二孤成立
雍正間 旌

陳超娘吳兆穆妻年三十夫卒守志撫孤營建先塋
雍正間祀節孝祠

林燕使李學琇妻年二十一夫歿守義孝事舅姑爲
夫立嗣雍正間 旌

潘冬使李舒祐妻年二十七夫卒家貧兩姑俱老織
紉以供甘旨撫子有成有夫弟痿痺給衣食十餘
載孀守四十六年年七十三入節孝祠

吳愛使蕭毓祥妻年二十四夫亡孝事舅姑矢志撫
孤卒年八十七

林馨使蕭璧芳妻年二十夫卒事姑撫子歷六十餘
載八十七卒

陳榴使林啓祥妻年二十一夫死無子爲夫立嗣紡
績以事舅姑營夫墳撫嗣子茹荼四十餘年人無
間言乾隆間 旌

俞舉使庠生林日煥妻年二十歸日煥育三男夫卒
堅貞守志養姑撫子苦節終身

黃遜使林崇寶妻年二十夫卒貧困勤紡績以育遺

孤守節五十餘載七十五卒

林玉使劉文貢妻夫故遺二子時海氛方熾氏攜二

孤避居僻地茹荼誓節教子成人復故居卒年七

十二

蔡催使陳止孝妻年二十六而寡撫孤成立清操自

矢至老不易卒年九十一

黃桂使陳裔榮妻年十九夫死哀毀欲絕無子撫姪

上儲為嗣時人咸稱其節

郭珠使庠生吳襄妻年二十六夫故孀守事姑鞠女

撫姪大鵬為嗣卒年七十二

繆珠娘張文詮妻生一子二女夫故年二十九家貧

孀守紡績撫孤合葬舅姑與其夫年五十六卒

郭清使裕昌女許字鄭元架未婚而卒氏即奔喪撫

姪繼嗣姑病刲股以療年六十六卒

李幼使許字馬文端未婚文端卒哀臨其喪矢志守

節撫育嗣子年四十七卒

蘓招使高瑞仁妻年二十五茹荼孀守事姑撫嗣水

清玉潔年六十卒

劉昭使吳瑞良妻年二十六夫卒欲以身殉舅姑止

之氏黽勉奉侍撫育孤子未幾疾革託孤姊姐嗚

咽而逝子方革入泮

陳衙使諸生周兆成妻夫卒年二十九奉衰姑撫二子家相家禮遊泮入辟雍歷節六十四載卒

張灼使適劉允如之子四年夫亡家貧舅老紡績以供饗餐三十年無異志舅歿氏爲之殯後亡無嗣鄉里哀之

陳雁使阮允升妻年三十夫故孀守撫二孤家貧依母家紡績養育至於成立年五十餘卒

郭標使陳思伸妻年二十五夫亡孀守勤女紅奉姑嫜營先塋撫孤子瀚入泮年五十九卒

阮辰使廩生陳學絃妻子週歲夫故年二十三撫孤成人營葬姑嫜卒年八十八

黃雅使年十六歸孫伯昌四載夫故家貧子幼氏蠶績撫孤終成厥志卒年五十七

陳黨使釗若素妻年二十二夫死無子守節多年及亡族人爲之立嗣

潘鳳使陳帝錦妻年二十四夫死家貧織紉撫孤修葺先墳年六十二卒

商賜娘薛應唐妻年二十三育男二週而夫歿氏守節撫孤塋葬舅姑備歷險阻卒能成志年七十五

卒

繆紫使年十九歸黃乾生二子夫歿矢志撫孤事曾
王姑奉養喪葬無失禮卒年五十八

余靜正郭秉鉞妻結褵七日而寡時年十九自誓守
節孝事翁姑撫姪爲嗣守貞三十五年教嗣子成
立乾隆間旌

彭氏庠生薛大亨妻撫孤守節邑令表其門曰勁節
凌霜

羅氏馬承書妾年二十二夫歿矢志守孤貞操不二
年七十三卒

陳氏庠生馬弼茲妻舅病割股以救夫歿力貧撫孤
值耿逆之變攜姑抱子奔竄艱難年九十全節而
終

林氏馬思光妻年十九生子九月而寡矢志堅貞事
寡姑以孝謹聞邑令表其閭曰三世貞節

詹瑞瓊趙堯卿妻年二十四而寡遺腹生男矢志孀
守年八十卒

林錦姑韓喬源妻年二十而寡家貧無子立姪爲後
堅貞不二鄉里欽之

宋章姑彭燈妻年二十四而寡孤幼家貧守義不嫁

壽八十卒

劉秀姑林向妻年二十四生子三月而向歿家貧孀
守紡績奉姑

陳清姐彭澧繼室年二十一而寡家貧無子苦節自
守年七十三卒

陳氏馬文練妻年二十八而寡三男一女家貧無資
寒燈苦雨閉門紡績孝事舅姑撫子成人七十三
卒

彭潤姐陳翔妻年二十四夫亡家貧無子立志守義
女紅自給祖父欲奪其志誓不再適貞操凜然八

十歲卒

薛氏左煜妻年十九而寡家貧無子立姪承祧事姑
撫子備極艱辛年七十二卒

陳氏彭維斗妻事姑以孝艱於嗣勸夫納妾謝氏未
幾陳生男方晬而維斗歿氏與謝撫孤成立人稱
雙節

馬厚觀陳文技妻年二十四而寡無子撫姪爲嗣勁
節貞操內外無間言

陳鸞姐宋受適妻年二十二生子彌月而寡矢志堅
貞撫孤完節

阮朱姐李監生妻年十八于歸二十五夫歿遺娠生男家徒壁立艱難萬狀子又無祿氏復立孫苦節彌厲年七十五卒

陳一都彭守紳妻年二十無子而寡父母欲嫁之氏泣曰吾有遺腹天必成吾志後果生男堅貞自守金氏周師發妻年二十而寡家貧無子苦志孀居爲夫立嗣力作奉姑咸稱全節

林會姐陳濱妻年二十五夫死時值鼎革家業消耗氏善持家政孝事舅姑卒年七十

陳氏湯在遠妻年二十一而寡矢志孀守孝事舅姑卒年七十

韓氏黃殿侯妻年二十五而寡女紅度日白首完貞彭盛使黃家謙妻年三十而家謙歿遺娠六月撫孤子孝舅姑始終全節

林氏湯田稅妻年二十六而田稅卽世二子一女皆幼家貧姑老矢志貞守勤女紅以供朝夕時值鼎革挈姑携子備極艱辛人欽其節

薛氏彭振綱妻年二十二而寡家貧無子自誓守節女工奉姑立姪爲後鄉閭重之

蕭氏葉天祥妻年二十四稱未亡人遺孤二家徒四

麻溪系元 卷十一
壁教養有成卒年五十

龔氏黃敦位妻年二十二生男而寡矢志孀守以全其節

姚氏余丕菴妻年二十六而寡三男俱幼家無擔石矢志清貞

陳氏宋國桂妻年二十四生子週歲而夫死舅姑七旬養老撫幼白首完貞

陳居觀崔煜妻年二十無子而寡撫侄爲嗣矢志栢舟

龔氏林鯤廷妻年二十五而寡孝敬舅姑和睦妯娌撫孤成立

林氏黃應良妻年二十孀居姑歿舅老氏善事之

陳氏生員左焯妻年二十八而寡家貧撫孤養葬舅姑無失禮年六十四卒

張氏黃元謚妻家貧夫婦克孝元謚歿子幼氏撫子事姑甘旨無缺殯葬如禮

彭陳姐游蕃如妻年二十四有娠而寡生男守義紡績以度年七十一終

黃良觀薛靜侯妻初靜侯有疾不能成禮氏無怨悔及歿氏年二十八謹事舅姑女紅度日立猶子爲

後終身完節

余氏周清士妻年二十七而寡遺男女各一矢志守
貞孝事舅姑葬祭如禮年四十五卒

林英使生員陳堯佐妻年二十九而寡家貧無子矢
志爲夫立後勤女紅以自給

楊氏左巖士妻值夫病篤割股以療夫歿守志全節
而終

陳端姑彭維蔚妻年十八而寡家貧無子堅貞自守
女紅供食處之泰然

蕭氏劉國樓妻年二十四夫亡一子襁褓氏泣血誓
心撫子成立

陳氏黃寶瑄妻年二十五生子而寡撫育成人

蘓氏陳毓銖妻年二十三而寡力貧撫孤孝養舅姑
葬祭盡禮邑令表其門曰全節卒年七十六

周在姑黃敦仕妻年二十二敦仕卒立志守貞撫子
成立

彭重姑馬光典妻年二十八而寡撫孤堅守卒年七
十三

葉氏鄉賢林仲麟裔孫林聰妻少年孀守清節著聞
劉寅姑鄭藩妻年二十五而寡孤四歲又天家貧結

網爲生

陳氏顧朝端妻年二十五朝端歿家貧子幼所親慮其不終氏截髮自誓紡績養姑久而益勵以全其節

黃清姐陳章妻年二十六而寡撫孤成立順事舅姑後子列膠庠六旬餘卒

黃慎姑林景文妻年二十八夫亡矢志守節養老撫孤始終如一

陳氏謝景垣妻年二十一而寡恪守閨教終身不二孫曾皆爲諸生

王月姑陳定國妻年二十一夫亡家貧織紉度日年五十七卒

宋氏姚名范妻年二十一夫死奉姑撫子曲盡慇懃備極苦楚年三十卒

陳氏監生顏天保妻年二十守寡矢志堅貞三十九歲卒

陳氏章廷和妻年三十而寡姑歿舅老氏善事之全節以終

彭氏左茂才妻姑病劇茂才入城延醫姑忽不能語氏度無生理乃登樓焚祀願割肝以療姑挈刀直

剖其胸刀鈍不能進乃併力橫剖之見肝剖一瓣有白血如箭射壁間亟呼女來女驚扶下樓赤血淋漓已昏暈仆地女為烹肝進姑姑愈事聞當事匾曰奇孝以上寧德

按前志左爾良妻剖肝事與此正同疑其為一人矣然府志既載爾良妻又載茂才妻則似非一人是非疑似錄以俟考

范莊女李行佐妻年二十六未育而夫死撫義子毓姬為邑諸生年九十九乃卒

劉氏葉鴻猷妻夫故遺三男孀守撫育成立卒年八

十四

葉氏諸生柳人龍妻育子週歲夫亡有勸其改適者泣曰柳氏一脉何忍棄之撫育成立守節終身

齊氏李如湧妻年二十八如湧死家貧子幼氏貞守紡績甘心窮約以終其節

繆氏諸生葉長青妻年二十八長青歿舅姑俱老子幼氏孀守仰事俯育以完其節乾隆間旌

徐氏葉師和妻年二十二生子之桂而夫歿氏苦志孀守敬事老姑嚴以訓子補邑庠生乾隆間旌

許氏葉仲光妻仲光戍臺溺死姑沈氏患疾氏孀守

事姑躬服勞瘁撫孤尙圭補邑庠生乾隆間旌
楊氏葉思恒妻年二十六生三子而思恒歿母氏欲
奪其志楊泣曰吾夫有遺孤妾以死守義也奉姑
撫嗣終完其節卒年八十四

楊氏葉維燦妻夫卒繼母已老子幼家貧苦節矢志
以終其身

王氏葉尚樞妻尚樞歿氏年二十四孀守撫二孤教
督以成長茲補弟子員

林氏柳乘龍妻年二十五而寡女紅自給撫二孤早
夜課督次子廷駿補弟子員完節終身

徐氏張宜珩妻年二十四守義撫孤卒年七十四

韋氏吳漢隆妻家貧夫死氏年二十八哀毀骨立苦
節以育二孤次子琰補弟子員

張氏童正泰妻夫歿氏年十九守貞不嫁撫二子以
終其節

葉氏廩生柳播妻生一子而播歿氏年二十六矢志
孀守

吳氏葉春先妻二十六歲夫死矢志勿貳撫子堅貞
守節三十六年乾隆間旌

劉氏夏垂珩妻生一子而寡苦守貞操年終八十四

乾隆間 旌

劉氏夏垂瑀妻未育而垂瑀死舅姑年老氏年二十一敬事不懈撫姪照承祧補弟子員守節五十九年乾隆間 旌

繆氏諸生朱嘉琦妻年二十六孀守勤紡績訓二子俱補弟子員

葛氏葉封妻年二十二而夫故紡績以撫三男矢志孀守

繆氏龔一士妻于歸七日而夫故有議婚者繆矢曰願為家婢死不再適遂蓬頭垢面力紡績以自存

至親罕有見者人高其節

高氏范光影妻于歸數年光影死無子家貧氏茹荼孀守偶還母家諸姑諷以他適拂然涉河誓不歸寧以上壽寧

蔡鳳娘高瑞臨妻年二十四夫故姑年八旬孝養備至撫遺孤以承祧守節三十七載乾隆間 旌

夏氏陳榮芹妻年二十四夫亡姑老供奉無缺守節三十一載乾隆間建坊

游氏應龍女許配曾國樑未婚而國樑死誓不改適夫家貧窶不能自活歸依母氏守貞終身卒年五

十一

林蟬姐士瓊女許字吳炳年十七未婚炳死父母令再醮女曰旣以身許人際此不幸命也安可改適遂奔喪終制立姪爲嗣守貞十四年卒

林素巖高如歲妻年二十九夫故孤幼氏撫育承祧寇至舉火里婦皆逃氏獨閉門守死屋亦無恙人以爲節義所感年八十三卒

李氏陳鳴岐妻年二十四寡姑耄子幼仰事俯育莫不盡瘁閭里稱之

李氏黃海士妻年二十三而寡孤少無依氏寒燈苦雨抱泣撫遺節操霜厲足不履門卒年八十

林氏陳國俊妻年十九夫故遺孤七歲又天氏矢志節孝立嗣以事舅姑卒年五十餘

嚴氏陳則紹妻年十八歸陳十載夫亡清貞守節卒年六十三

張氏康元妻年十八而寡孤幼家貧教養成立守節五十五卒

游氏陳維寧妻年二十六家貧夫歿子夭氏飲泣貞守完節以終

蔡引娘少時在家親病割臂以療長適曹聰元旋卒

氏年二十七矢志守義撫孤成立歷節六十七年
陳氏孫履武妻夫患惡瘡氏柔順共事六年而夫死
父母憐其少欲令他適氏泣誓貞守紡績養姑兄
弟不得一面卒年六十一

李氏諸生高觀北妻年二十六而寡幼孤和鳴氏養
誨成人卒年七十五

曾氏楊祐祥妻年二十九夫故子幼撫育成立冰霜
之操至老彌厲年七十九卒

林媚娘毛朝魁妻年三十而寡堅貞自矢始終如一
雍正乾隆間兩受 恩賜粟帛卒年九十七

陳氏邵正隆妻年二十六而夫歿舅姑在堂孝養不
衰卒具葬祭夫弟妹俱少遺孤六歲撫育婚嫁紡
績課讀鄉族敬之稱曰魚池陳氏乾隆十七年有
范姓者夫妻年老家貧無資鬻子以度氏贈金全
其骨肉人尤德之卒年六十六

李氏適鄭邦經年二十而寡遺腹生女欲自盡舅姑
泣勸乃止勤女紅供養舅姑歿與夫同窆而虛其
壙以待年五十五卒人稱節孝兼全
以上
福鼎

已經 旌表節孝

黃珍娘葉文鷓妻 李氏林永祿妻 王氏儒士鄭

仁彥妻

俱乾隆間旌
以上福安

夏氏陳榮芹妻

福鼎

未經 旌表節孝

鄭心使王兆和妻

吳丙宋劉象日妻

陳玉娘郭

維圻妻 郭詔姐柳向苑妻

陳外使鄭士源妻

陳端使吳聖詔妻

蕭鳳使沈秀元妻

陳辰使柳

光煜妻

鄭陽使陳其自妻

鄭遜使陳衷純妻

丁聚使阮孔楊妻

蔡蘋使陳麟蔭妻

彭鳳使林

萬宗妻

陳寶使余元桂妻

繆盛使李光曙妻

郭玉容陳麟兆妻

黃戍使薛大逢妻

繆機使余

振鐸妻

吳元芳郭宗孔妻

陳卯使葉君桂妻

周靜使王日華妻

陳清使蕭亮妻

林丁使李日

隆妻

呂珠使王道成妻

吳秀使郭彥興妻

楊

紬使林肇成妻

郭宜娘余日禧妻

林辰使沈鳳

奏妻

郭英使黃天鼎妻

陳福使柳向曉妻

吳

冬使連震源妻

吳紅使王日英妻

王義使陳大

章妻

李菊使劉屢豐妻

汪清使郭淑陽妻

陳

英使劉其元妻

林善使繆樹熾妻

黃珠娘李學

庠妻

鄭玉使張國賢妻

連雪娘池兆均妻

李

招使楊廣璋妻

陳珠娘林大谷妻

陳移使鄭兆

秀妻

林酉使陳淮妻

葉翼使王迪吉妻

王浚

使潘宜直妻 彭啓使郭顯聲妻 王端使陳之璜妻
 陳春使王曰都妻 黃鸞使陳大英妻 吳英
 使鄭日珠妻 陳印使楊伯俊未婚妻 蕭辰使陳
 兆祐妻 王連使吳維周妻 林清使繆光琪妻
 陳昭使吳聖納妻 李酉使薛大策妻 陳玉使吳
 光義妻 鄭初使陳端衮妻 王員英吳瑞美妻
 繆昭使施學緣妻 林奴使陳學瀾妻 章靜使鄭
 可佳妻 陳松使劉萬岸妻 繆雪使陳其熊妻
 薛英使陳砥之妻 鄭梅使潘學信妻 劉氏陳錫
 妻 黃希使郭仕未婚妻 郭藻使黃三冬妻 王

盛使陳良琛妻 陳秀使朱三策妻 劉三使郭祚
 長妻 林端使張師書妻 阮雲使王兆祥妻 鄭
 昭使林五翰妻 丁艱使葉勝成妻 孫梅使陳學
 開妻 繆詩使黃乾暄妻 鄭美使薛學瑄妻 蔡
 京使郭潘妻 高五使林萬疇妻 馮容使高鳳可
 妻 陳端使吳聖韶妻 繆氏劉中佺妻 汪子使
 楊一閩妻 郭望使黃大科妻 卓英使陳洪泰妻
 馬添使楊仲仁妻 鄭遇使劉其廣妻 蘓丑使陳
 玄中妻 劉泗使黃朝復未婚妻 楊娘使劉其純
 妻 王秀使陳滋妻 陳牙使黃大綈妻 郭珠使

鄭斯軾妻 蔡招使鄭三文妻 陳正使林士顯男

妻 郭寧使連雯舒妻 施金使李文元妻 李姝

使章尚淑妻 陳絹使阮邦璣妻 何氏鄭紹元妻

劉申使謝若敬妻 李珠使陳朝威妻 郭未使

繆日新妻 高氏陳絢妻 吳氏劉其浚妻 郭欣

使高可仙妻 李梅使陳忠綬妻 楊昭使鄭大隨

妻 李興使陳承蘭妻 郭氏陳其亨妻 陳貞娘

郭日啓妻 林金使繆元持妻 陳柔使王邦俊妻

陳佛使李師秦妻 葉鳳使吳聖詔妻 鄭招使

連稽妻 趙信使劉漢裔妻 張秀鸞林瑞麟妻

劉謹使郭有謨妻 以上福安 陳愛婉彭瀾聘妻 陳繼靜

湯日進聘 陳氏彭鏡妻 詹氏劉光熊妻 劉氏

趙佛祐妻 吳氏王思仁妻 林氏楊叔妻 楊氏

胡鍾妻 薛氏崔允約妻 林氏崔文泰妻 黃氏

陳銓妻 龔氏徐元呂妻 周氏林若山妻 阮氏

林二楊妻 何氏林全妻 以上寧德 繆氏葉嘉奇妻 葉

氏李紹膺妻 以上壽寧

貞烈

陳海珠戴廷銓妻年十八于歸數月廷銓亡誓志栢

舟母憐其伶仃無依欲令他適氏遂縊於夫柩之

前

藍銀娘阿明女年十九遇暴不污服毒而死乾隆間

建坊旌表

吳贈妹林廷瑛妻年十八歸廷瑛期年夫死所親議改醮氏赴夫柩躡號泣嘔血數升分其奩與諸姑訣遂絕粒死郡守李拔旌之

林振娘閩峽田家女年十七許配李子枝貧未娶李患惡疾未幾以訃聞女以相從自矢或以改配慰女聞不答偕諸女談笑自如夜深縊死以上震浦

林長使陳其義妻性孝謹時海氛未靖夫行役姑老

子幼家貧紡績供食不足則鬻鬻衣以佐舅姑病求以身代及卒泣血哀哭至於身亡

張蘭使黃蒂洲妻年三十生子元健而夫亡氏孀守撫孤課讀有文名後兒溺死氏哀慟赴水沒聞者悲之

王卯使諸生陳端見妻海寇標掠欲污之抗節罵賊遂遇害

林氏陳端韶妻耿逆兵亂村人俱逃林不肯踰閩曰去此非吾死所矣賊兵至拒罵不屈而死

陳氏教諭吳鵬子妻夫隨父入闈病卒氏聞訃卽絕

食晝哭扃戶投繯死

黃鸞姐潘岐甫妻夫病卒氏鬻簪珥殯畢即自櫛沐
整衣密縫下裳自縊死里人以其夫婦合墓天馬

山下

陳氏劉廷輿妻與夫及姑俱為海賊所掠私語夫曰
妾死不足惜奈夫子與姑何乃給賊以身為質脫
夫與姑歸金取贖度其行遠遂自刎

郭鳳英許字彭璋年及笄聞夫訃即歸彭門守喪百
日投繯死

夏薇使郭又梅妻夫故年二十七哀號百日托孤夫

弟自投才死

姚氏連友二妻友二赤貧欲令他適氏誓曰寧為連
家鬼不作他姓人日止蹲鴟充腹晏如也友二憐
其苦許聘他人氏聞之號泣自縊以上福安

林玉姐騰炳女年十八許配黃生性靜潔及笄寇陷
城匿壁中被獲拘之自縊全節

黃銀官林韜未婚妻年十六韜歿父母聞訃往弔氏
殉志已定盥浴更衣投繯而死建坊旌表

崔氏庠生應琬女幼嫻閨訓適左生克執婦道已丑
寇陷城被執取銀簪自刺死

林氏馬績妻時城陷氏被執不從賊斷其舌剮其乳
斲其股至死罵益厲

顏氏黃禹觀妻年十八未歸而禹觀亡欲奔喪父母
不許日夜涕淚後有人求婚氏聞之自縊

阮氏庠生彭如星妻己丑城破被擄不污以衣帶縊
死

馬氏舉人薛大志妻海寇陷城氏全姑匿倉壁中賊
搜獲之欲污不從杖之再三拒益厲賊殺之事見

高宸傳

以上
寧德

繆氏李于洛妻年十九夫卒號哭屍旁自經死是日

與夫同殯

壽寧

郭氏孫天佑妻生二子天夫歿氏具棺槨衣衾畢閉
戶整衣自縊以殉與夫同日殯

吳氏謝朝聘妻朝聘捕魚為業遇風舟覆而歿無嗣
氏號泣悲傷赴海死

陶氏王宜輝妻年二十二而寡竹娠六月嘆曰得男
可保吾命後生女遂自縊

以上
福祿

福建續志卷七十終

福建續志卷七十一

列女十三

臺灣府

國朝

節孝

朱氏明魯王女也幼聰慧知書工針繡適南安儒士

鄭哲飛生一男三女哲飛歿扶姑挈女同寄養父

家父卒渡臺依寧靖王康熙癸亥大兵克澎湖寧

靖王將自盡氏欲從死王以姑存子幼為諭氏涕

泣奉姑攜兒別居勤女紅忍饑養姑撫兒十餘年

姑亡女嫁子繼歿孀居五十餘載冰操無玷年八十餘終

按朱氏本明季人因卒於國朝故郡志載

蕭愛娘武舉鳳求女許配洪思齊未娶而思齊歿愛娘年十九矢志守節孝白其父歸洪養族子爲息十二年未嘗歸寧乾隆四年病卒合葬夫墳武定里

銀娘者黃聲集側室好官婢也聲集將終予好官百金令別嫁不從以其金養族人子爲嗣同銀娘撫之既所養子歿好官悲憤欲絕銀娘勸慰願服事終身遂各削髮持齋念佛四十餘年好官卒銀娘亦卒

林氏年十六歸范文質姑性嚴急氏能得其歡心二十五而文質歿僅遺六歲男學海已而夫之仲弟夫婦繼歿子女皆幼氏撫育如已出課督學海成進士授山東兗州壽張營守備後請假終養七載而氏卒年六十有四

蔡惜娘陳邦棟妻年十九而邦棟卒時男甫週月氏哀慟誓不獨生舅姑苦勸諭以撫孤愈於死遂承

命節哀勤紡績養翁姑撫孤子成人間里稱其節
孝

劉尾娘侯孟富妻生二男一女孟富卒氏年二十有
八男女俱幼門無戚屬矢志守孤勤女紅以供衣
食子瑞珍成立眼見五代孫年八十有五卒女罔
娘適林妙妙早卒亦能完節劉旣苦操子瑞珍以
孝稱罔娘又以節著人以為侯之門節孝存云

陳氏謝仕家妻年二十九夫歿孀守事姑歷節三十
年卒

陳氏李朝珪妻年二十二而寡哭奠七日整衣投環

姑急救之獲甦乃忍死奉姑撫子守節二十六年
侯氏林妙妻二十歲夫歿誓志不貳守節數十年乾
隆間旌

王氏蔡朝麟妻少嫻內則年二十四朝麟卒遺三男
一女仲叔朝熊方九歲苦志撫養底於成人侍姑
病朝夕罔懈守節四十六年鄰里奉為女宗

董氏千總郭張文妻張文隨征朱一貴歿於軍中家
貧甚氏忍饑寒茹水槩課子讀書守節數十年

林氏鄭元妻年十九歸鄭甫二載而夫歿矢志撫孤
守節四十餘年

王金娘洪似珍妻年二十六而寡守節三十二年卒
以上
臺灣

王寶娘李時燦妻嫁五載而夫歿家無次丁惟老姑
弱息氏勤一身以仰事俯育節孝兼盡歷節五十
餘載乾隆間旌

董氏李鳳妻年二十夫卒事姑盡孝撫遺腹子有成
守節數十年

成桂娘黃忠妻夫歿家貧勤操作以奉舅姑姑病篤
值夫外出氏百計籌醫藥以進姑卒喪葬盡禮咸
服其孝

曾好娘盧從妻從歿遺孤三歲氏勤女紅撫養之事
姑以孝聞

李快娘黃獎妻年二十三夫歿孝事舅姑教子入成
均孫游庠守節五十餘年
以上
鳳山

王氏陳仲卿妾年十九嫡早喪遺孤應選甫八歲王
撫嫡子如所生延師課督應選長游於庠

番婦大南蠻諸羅目加溜灣社番大治妻于歸後治
家勤儉事姑相夫克盡和敬年二十夫歿願變番
俗不再適乃引刃誓曰婦髮可封婦臂可斷婦節
不可移也力耕以撫其子守節三十七年如一日

知縣陸鶴鳴請 旌焉 以上諸羅

林氏翁昌齡妻二十歲而寡食貧撫孤守節彌厲

乾隆間 旌彰

已經 旌表節孝

吳氏陳振揚妻 乾隆間旌臺灣 高氏吳慶榮妻 江氏劉

源由妻 俱乾隆間旌以上諸羅

未經 旌表節孝

顏氏林生妻 李氏吳來之妻 黃氏劉爻生未婚

妻 吳氏王晉光未婚妻 以上臺灣

貞烈

王德娘楊軫妻軫捕魚溺水死氏年二十二家惟老

翁幼女將卒哭夜四鼓設祭筵哭奠畢即入房自

縊

莊珠娘連女少許配陳景昭年十八未婚而景昭故

珠娘聞訃脫簪珥更素服家人慮其殉也防之密

乃佯談笑越旬日入室自扃母呼寂然急破扉視

已投繯矣因附陳景昭墓先是連有弟宗聘高金

娘年十八未婚而宗卒金娘即削髮為尼又有妹

勸娘未嫁以母病篤禱天割股和羹以進母食而

愈即珠娘胞姑也人以為節孝貞烈萃於莊氏一

門

呂諧娘年十八未字鄰人胡寵欲犯之女羞忿自盡
知縣詳請 旌表

蔡諧娘張金生妻年二十五歸張甫五月夫病日奉

藥願以身代及歿氏泣謂其母曰兒上無姑嫜下

無子嗣義不可獨生視殮畢即自縊死

袁順娘權女年十六適魯定公甫六月而定公歿袁

哀慟悽慘越七日白內外諸親自縊以殉合葬魁

斗山西雍正間

旌 以上
臺灣

黃明娘年十七歸金仁越三年而仁卒無嗣夫弟尚

幼忍死以養舅姑七載姑亡舅老且病氏奉養備

至久而不懈舅亡氏尋病篤母家欲為延醫氏却

之曰吾不即從夫死而延此十載殘喘者為舅姑

也舅姑往吾何以生為遂不藥而卒 鳳山

汪門雙節者汪家姑婦也姑劉氏婦余氏素慈孝雍

正九年大甲西番作亂焚殺居民姑急謂婦曰義

不可辱當各為計語畢遂自刎婦方抱姑尸而泣

逆番奔至遂觸垣死乾隆間 旌 彰化

永春州

名媛

蔡氏林秉鈞妻秉鈞死孝事舅姑數十年足不踐閭
永春

鄭氏黃大章妻姑病籲天以自代事翁姑二十八年
人稱其孝

壽婦甘氏陳孟最妻孝翁姑教子孫年至百有一歲
爨邀 恩錫
以上德化

節孝

李氏知州顏堯揆妻姑李氏患眼翳氏日夜以舌舐
姑眼疾旋愈人以爲孝感年未三十卒

黃氏潘維夏妻歸潘門侍舅姑孝姑病篤割臂奉姑

病尋愈

鄭氏顏振業妻年二十一夫卒守節四十年乾隆間
旌子大岳庠生

周氏鄭采兩妻采兩卒氏年二十以節稱子章璧庠
生

林氏廩生顏錫章妻順治戊子避亂馬鞍山寇至棄
子女扶姑逃難以孝聞

謝氏顏允坪妻于歸後家甚貧年二十四允坪卒時
有老翁及三孤仰事俯育氏一身任之歷三十年
卒年五十四

黃氏諸生鄭之偉妻年二十七夫卒冰蘖自持常以紡績之餘周隣婦之無告者

劉氏周承璞妻夫卒苦節四十餘年

陳氏顏敏求妻年二十四夫卒割股和藥以療舅疾節而能孝

顏氏林瑞燬妻年二十一而寡以節終

汪氏諸生諸葛崑崙妻年二十四夫卒守節終身

郭氏適諸生鄭光祖夫歿守志子尙絅廩生

盛氏鄭啓瑗妻啓瑗早歿撫孤守節四十餘年

郭氏周良鑣妻年二十五夫歿以節著

鄭氏顏孕從妻年二十一而寡苦節終身

潘氏黃萬可妻萬可瘋疾氏事之唯謹年十八而萬可歿撫二歲孤冰霜著節

劉氏鄭啟教妻年二十六啟教卒守志不二

蘇氏李元芳妻年二十四而寡歷節四十餘年

林氏鄭元禮妻年二十七夫歿守節五十餘年弟武舉林彬雅欲請旌氏辭曰全節守孤盡吾志耳何以名爲

施氏林捷煥妻夫死守節

陳氏周奕會妻姑病篤剜臂和藥以進姑賴以瘥

邱氏鄭日璉妻年二十夫死守節六十年

楊氏康翼家妻年二十六寡居與妾方氏同守志撫

三歲孤子開元庠生孫文麟武舉文驥文任俱庠

生

盛氏陳逢羣妻年十九夫歿以姪朱為嗣朱復天與

媳王氏兩世守節

陳氏鄭耀祖妻耀祖歿氏年二十三遺腹生尚智尚

智妻王氏生珪璋及尚智繼夫姑婦共守人稱為

節孝門

顏氏李日昂妻年二十五而寡守節終身

呂氏李宏胎妻年二十四夫歿守節三十三年

林氏王文奎妻生子象求七日而文奎卒象求娶舉

人顏李捷女生子際唐七月而卒姑媳相依人稱

雙節象求邑庠生際唐太學生

鄭氏劉維清妻年二十五守節子亨甲邑庠生

李氏副貢生象求女年二十適諸葛慊二年夫歿苦

節五十餘載

陳氏鄭繼沐妻年二十七守節

林氏顏哲侯妻哲侯家貧林為買妾陳氏各舉一男

及哲侯卒同志撫孤冰霜並潔

王氏拔貢孫士洙妻士洙歿氏年二十二以節終
尤氏諸生張玉紳妻玉紳歿氏撫妾陳氏所生男人
驥冰霜共矢

洪氏鄭邦純妻夫死守節

李氏鄭之駙妻夫歿嗣子奕謀繼天氏偕媳張氏撫
孤世顯成立

顏氏鄭才敬妻才敬歿氏撫孤世興娶妻徐氏世興
復喪立姪繼廸爲嗣姑媳兩世以節稱

周氏諸生鄭育熙妻育熙艱於嗣氏爲納妾曾氏生
子章槭夫歿雙守冰操凜然乾隆間旌

鄭氏諸生顏天際妻天際卒弟槐茂亦天鄭與妣林
氏冰霜共勵事舅姑以孝聞

顏氏拔貢鏞女孫適林天才天才卒長孤四歲遺孤
三月家赤貧辨色興紡績至丙夜鬻錢以飼二孤
已或并日而食間採匏葉以充糧每寒更就姑所
織必煑茗奉姑姑憐其寒勸就枕氏日夜睡則日
兒何哺矣聞者傷之守節三十一年卒

李氏章仕旺妻年二十三夫卒撫遺孤承鎰承鎰復
天撫孫繼浩守節四十餘年

陳氏王維珊妻年二十三而寡撫育嗣孤食貧茹苦

族人憐而周之以節終

李氏王應鄒妻應鄒卒氏年二十四事舅姑撫孤子人稱苦節

盧氏廣西學政易女孫適監生蔡學瀾未三年而夫歿孤生方九日氏奉姑育子備極艱辛夫姪幼失母氏保恤之長為婚娶以節終子克諧廩生

周氏李載咏妻年二十八夫歿遺二子咏弟載來妻鄭氏年二十六夫歿遺一子妯娌媿節共事舅姑撫子成立

鄭氏貢生暹女適諸生主宗保時宗保父省覲臨漳道卒宗保奔喪亦歿於官署氏年二十一忍死立孤始終一節子乾肇庠生

薛氏王維昆妻年二十三夫歿投繯絕粒俱不死乃矢志撫孤教諭潘宏為作履霜操子應釗諸生

潘氏顏允瑚妻年二十三夫歿紡績苦節五十年黃氏林國瑚妻國瑚歿氏勤織紉奉甘旨舅耄病日舐之人稱其孝乾隆間旌

林氏尤士知妻年十七夫卒家貧父母憐其幼而無依微諷之氏誓死不移立姪瑞為嗣瑞復天又立從孫天為瑞後苦節四十三年

姚氏陳文純妻年十九夫歿守節六十餘年子良翰諸生

尤氏顏弼才妻年二十而寡鬻女以葬舅姑守節四十九年乾隆間旌

潘氏陳彭陞妻彭陞卒氏年二十二無子家貧歷十餘年族人莫肯以子繼者氏以死自誓久之乃得錫瑄爲嗣艱難困苦守節六十六年

劉氏顏槐敷妻嫁一載而夫歿勵志守貞歷十年乃得夫姪毓雋爲嗣毓雋補諸生未幾卒三孫俱幼依姪舉人璣爲生守節五十年

李氏林仕慶妻仕慶客死氏年二十五矢志撫孤克全其節

周氏諸生鄭雲峰妻年二十六雲峰卒遺孤國耀娶媳蔡氏增勤女國耀繼卒姑媳相依人稱雙節子鵬庠生

顧氏謝重灼妻守節六十餘年

王氏林寧士妻守節四十餘年

李氏鄭思偉妻守節四十餘年

許氏監生顏宗讓妻守節四十年

鄭氏顏錫瑳妻守節三十年

謝氏方元楷妻二十而寡守節二十八年子大鳴諸生

陳氏顏泰炳妻守節六十餘年

潘氏顏泰燦妻守節五十餘年

劉庚娘顏日應妻守節五十餘年

顏氏余元彤妻守節四十年

洪氏鄭克徽妻守節二十九年

陳氏縣丞王家騮妻年二十三夫歿撫嗣孤重光底於成立守節四十年乾隆間旌

尤氏鄭斯僑妻年二十七斯僑卒守節四十餘年

顏氏蔡賡欽妻守節三十年

吳菊娘馮登讓妻年二十六夫卒無子立姪為嗣守節四十餘年

王氏舉人顏必燭妻二十四歲而寡六十七歲卒

蔡氏顏天淵妻二十一歲而寡五十三歲卒

李氏邱光業妻守節三十八年子景德太學生

李氏庠生尤雲翔妻二十二而夫亡賢孝為鄉黨所推年七十卒乾隆間旌

鄭玉娘生員宋宏淳妻二十七歲而寡八十三歲卒子嘉植國學生

顏五娘周時謙妻二十一歲稱未亡人五十一歲卒
顏賢娘吳士進妻守節三十五年

監生曾孫雲彩庠生

陳氏鄭日鍾妻二十歲夫歿乾隆間旌子熙表監

生

高氏蔡國錫妻二十六歲而寡七十五歲卒孫植鳳

監生

周氏鄭多獻妻夫亡時年二十五七十七歲卒

顏潘娘黃辛甲妻六十九歲卒守節四十一年

鄭氏林應鏐妻二十六歲而寡六十六歲卒

許氏鄭志泳妻守節五十四年

莊謳娘生員孫元定妻十九歲而寡七十八歲卒

顏氏張行挺妻年二十八未婚夫歿於呂宋嗣子復

矢志不移卒年五十一歲

陳姪娘劉正疇妻二十四歲寡居六十一歲卒

周氏劉于芳妻二十三歲寡後以懷容為嗣生子迺

保懷容復歿媳林氏年二十六姑媳共守迺保成

立周氏七十二卒林氏守節數十年

王氏周維侯妻年二十而寡守節至八十九卒

劉氏顏繩驢妻年二十一而寡苦節終身

鄭氏生員孫嘉猷妻二十一歲而寡

顏氏鄭黃甲妻年二十歲而寡

邱氏顏文德妻二十五歲而寡

劉意娘黃必報妻年二十二歲而寡

鄭氏孫元仁妻十八歲而寡

周氏宋應鏞妻年十九夫卒矢志撫孤終身不二子

廷光武舉

秦氏王振榮妻二十三歲而寡

顏緝娘鄭日取妻二十七歲而寡矢志守貞

蔡氏鄭雲妻二十三歲而寡守節不二

鄭位娘孫元楚妻十九歲夫死甘心守志

陳存娘顏鍾渤妻二十三歲而寡

劉謹娘王臣老妻年二十五而寡自誓守節

鄭氏顏泰賜妻年二十四而寡

黃然娘陳兆佐妻二十七歲而寡撫遺腹子承孚監

生

陳氏宋德淵妻十九歲而寡白首全貞

劉氏鄭賢臣妻年二十寡居以節著

黃氏鄭嘉選妻年二十夫亡遺腹生男鍋娶婦生孫

守節三十六年

鄭氏陳華瑞妻二十歲而寡

顏氏康登鵬妻年二十三而寡

鄭寶娘監生劉元修妻二十三歲而寡始終一節

方謹娘鄭會妻二十六歲而寡

鄭氏許字林侗侗卒女聞訃奔喪忍死守節以上永春

蘇氏陳存若妻年二十四夫歿忍死奉姑茹荼鞠子

卒年六十五雍正間旌

賴兌娘涂天經妻年二十七孀居以節著七十六卒

林氏葉殿履妻年三十六夫亡家貧負薪以養舅姑

八十五卒孫至仁亦娶於林林年二十八至仁歿

矢志撫孤始終不渝

鄭氏陳應瓚妻夫歿守節值兵荒率二子耕鋤力作

孝養舅姑嘗檢篋中有質券還其人曰幼孤兒不

可使責償歛怨也卒年七十九

辛蓮官歸郭載淇年二十七載淇卒守志撫三子成

立卒年六十六

王七娘庠生徐應聘妻康熙甲寅耿變應聘出練鄉

勇為已兵所害王忍死守節奉姑孝課子嚴

許純娘周昭甫妻居宅依山康熙丙辰暴雨山崩舉

家壓死氏抱四歲兒伏尸間得存矢志撫孤苦守五十六年

陳玉舍知縣應奎女歸諸生鄭異夫死撫三歲孤以節終

周氏庠生蘓彝妻年二十三夫歿將以身殉脫金珥咽之俄而嘔出家人防之得不死及遺腹生男乃矢志撫育卒年八十三

徐傅娘温于御妻年二十六夫亡守節四十餘年
陳麗娘蕭森英妻夫歿爲夫立嗣苦節不渝卒年六十四

施章娘李髦士妻年二十五而寡遺孤五歲其父將圖改適令歸潛然涕出嫂氏怪之搜其袖則途中所採斷腸草也因力慰諭護使還家以完節終年五十五家故赤貧事姑鞠子皆取給於紡績云
鄭氏謝帝美妻早寡無子夫弟寵侯妻死一子甫三歲辛勤鞠養歷二十餘年得孫爲繼

鄭氏連隆鼎妻事繼姑孝早寡無子以姪玉恬爲嗣娶林氏玉恬又夭復以姪孫爲嗣姑媳兩世以雙節稱

林氏章元岷妻夫歿遺孤一撫之比長娶涂氏育二

子孤復歿姑媳冰蘖共勵

方冬官歸監生曾浩漪早寡守節撫二子有成卒年

六十五

嚴氏林德馨妻德馨死嚴年二十二寂守空閨足不

踰閩五十餘年未嘗見齒

張七娘方爲班妻年二十七守節卒年九十

黃亥娘寇興龍妻年二十三守節卒年六十三

林亥娘嫁徐實甫年二十五寡居苦守至八十三卒

郭氏章應廣妻年二十四守節卒年八十九

蔡氏黃天添妻年二十六守節卒六十

林末娘涂御伯妻年二十四守節年八十三卒

林五娘許惠迪妻年二十二守節卒年七十

劉氏郭旭在妻年二十四而寡守節至年五十四而

卒

曾氏陳光受妻年二十三夫亡守節卒年六十九

謝氏周子培妻寡居時年二十二守節終身卒年六

十

易氏陳元式妻年二十七守節不二卒年五十七

鄭氏張倫妻年二十三守節年七十二卒

鄧勤娘寇紫科妻年二十七守節卒年五十五

林端使鄭舜慕妻年二十七守節卒年六十

陳氏葉霞騰妻年二十五夫亡以節著年七十二卒

賴氏凌德涵妻年二十二守節卒年五十二

許氏葉疑妻年二十五而孀居矢志守節年六十卒

林氏黃元玉妻夫亡時年二十二守苦節三十餘年

年五十四卒

陳氏江元敬妻年二十二守節卒年六十三

謝氏邱伯通妻年二十守節卒年四十七

盧氏董瑞猷妻年二十三而寡守節多年年五十卒

林氏監生陳朝標妻年二十五守節長子諱為邑諸

生復天婦蘓氏年二十四無子立嗣事姑甚謹以

節終

黃坤娘毛咸若妻夫死守節

涂氏黃天景妻年二十三而寡孝以事姑慈以教子

守節六十八年乾隆間 旌

余氏張寅舉妻夫歿姑老家貧日負孤兒耕鋤樵採

以供朝夕苦節五十餘載

連岳娘許字林振雍振雍死氏衰服奔喪為夫立後

孝事舅姑終身食麤衣素寢室雖侍婢不敢輒入

年五十一卒

鄭明娘謝祈如妻年二十二而寡家貧織紵爲生
劉氏庠生郭之屏妻年二十三夫應試沒於泉州氏
聞訃慟絕復甦勵志貞守

徐雲娘李克成妻夫歿守節三十二年

顏奇娘陳應楮妻年二十六而寡守節三十一年

陳氏張模妻二十九歲夫歿仰事俯育克盡婦道守

節三十八年乾隆間 旌

徐氏李克感妻二十八歲而寡守節三十四年乾隆

間 旌以上
德化

郭氏范如綺妻二十而寡矢志撫孤守節六十年

柳氏范紹發妻早歲夫歿守節四十三年

汪氏魏際熙妻夫歿事姑教子守節五十五年乾隆

間 旌

鄭氏蕭荀龍妻二十二歲而寡守節三十四年乾隆

間 旌以上
大田

已經 旌表節孝

陳氏鄭鍾渤妻 張氏林俊潔妻 曾氏鄭育熙妻

以上陳氏許德溥妻 林氏黃樸有妻 賴氏李仲

滋妻 呂氏鄭世取妻 賴氏郭子陽妻 鄭氏賴

斯權妻 林氏蘇茂日妻 林氏許茂士妻 林氏

郭兆愈妻 陳氏蘓啓東妻 莊氏陳榮畧妻 徐

氏鄭業文妻 范氏葉達仁妻 郭氏劉法來妻

曾氏徐季耳妻 陳氏葉守仁妻 章氏涂文良妻

周氏謝天岑妻 康氏徐春權妻 曾氏鄭起鯁

妻 林氏李延禮妻 林氏章亦恕妻 王氏陳珍

愷妻 林氏陳光博妻 王氏張天志妻 周氏陳

釗妻 馬氏陳一基妻 鄭氏儒童謝祈如妻 徐

氏貢生芳鵬程妻 俱乾隆間 旌以上德化

貞烈

林氏莆田參軍林璧女適永春李恒觀恒觀就塾前

出病卒氏俟夫徹奠後告其姑及其父母結纒以

殉

郭氏王士瑜妻年二十六山寇竊發見氏姿色殺其

夫與弟欲迫汚之氏以死拒罵不絕口賊怒發配

皮匠氏給他出投纒死子維岳妻李氏年二十二

于歸閱月夫歿父母欲奪其志氏不從絕粒而死

陳真娘方其振妻二十三歲夫歿號慟誓以身殉夫

身後事畢竟投纒死

李氏顏尚崑妻夫卒越小祥卒哭自經以殉 以上永春

黃氏庠生劉六龍妻順治甲午寇至黃恐見辱自經

死賊義之爲解其繩以厚紙覆其屍大書貞婦二字而去

章氏庠生劉英妻賊入其鄉氏恐見辱遂投崖死大田知縣張鳴珂經其地弔以詩有百尺崖頭悲碎玉千秋閩內見純金之句

陳秀娘許字鄭涵涵死訃至秀娘請於父母欲奔喪父母止之遂徹簪珥不飲食有媒氏議姻秀娘謂家人曰吾身已許鄭矣忍死而背之乎家人不之顧具酒食款識者秀娘入室雉經死

章擇娘庠生秉謙妹年十八許配張姓一日告其祖母曰吾夜夢張病俄而病信至越數日又夢張死果死遂易服欲奔喪父母力沮之竟不食死

林寅娘陳昌妻年二十七夫歿家貧殮葬之費皆出借貸兄謀奪志寅娘鬻衣飾償債娶者至門遂投水死

以上德化

龍巖州

節孝

連畢姑貢生龍仲女年十九適邱衍瑞甫匝歲衍瑞歿遺腹生子廷鉉守志撫之教育兼盡守節以終蔣氏明經蔣際春女廩生吳炆妻也于歸六載而炆

卒氏時懷娠五月以所生決生死泊生男坦遂矢志以立孤孤稍長督令力學其事寡姑尤以孝聞
雍正間 旌節孝祠

李清姑廩生賴恭妻恭夙負才望以授徒資家食忽病歿氏守志撫孤家貧無可存活亡何孤又夭族例三世不祀主應祧氏向族人求繼無一應者乃卜地安葬舅姑及夫若子畢自築一穴將殉之適夫從子某自楚歸欽其節孝以姪祥繼其子祀得以不餒云

魏東姑倪吹伯妻于歸四載舉一子甫七日夫死家故貧舅姑年老氏脫簪珥供甘旨無缺既歿喪葬盡禮教育孤兒得以成立

陳遇姑謝沐清妻姑蘓氏早寡氏事之甚孝夫疾革囑曰寡姑在堂孤兒在抱俯仰之任汝其肩之氏飲泣受命自是事姑尤謹姑歿力爲營葬撫孤成立生孫年七十乃終

林氏連尊生妻年二十于歸二十四而寡遺孤肇基矢志撫之事舅姑盡孝繼姑患目疾失明扶持不離左右以紡績餘佐子從師課業舅姑歿拮据同夫營葬咸盡禮焉苦節四十載乾隆間 旌

林敏姑劉巖山妻年二十于歸越五載而夫歿氏侍湯藥惟謹居喪盡禮時方娠三月生子茂業矢志撫之延師嚴課入縣庠列明經其事舅姑也養生送死以孝稱

蘓尾姑魏東未婚妻東往楚貿易其父秉恒歿母孑然氏歸魏侍焉時年十二事姑惟謹東流落江楚間二十餘載氏姑嚙指染書托親往招之偕至汴旋逸去姑知子無歸志以例得他適諷氏誓曰家雖貧願以十指供甘旨天年後繼以死耳又五年如病且沒湯藥合殮及營葬皆氏躬親之并充機

杼積送舅姑主入宗祠而貞守益堅族黨咸謂貞

孝可風

饒氏章衮妻二十七歲夫歿家貧籍鍼衽績紡以養

翁姑苦節十年乾隆間 旌

連氏吳冕妻年二十七而寡事姑盡孝課子成立營

葬三世守節四十二年乾隆間 旌

陳氏林士芹妻年二十九夫歿代子職以事舅姑體

舅姑之心以事祖姑勤苦盡孝守節五十年

陳氏詹哲妻二十四歲夫歿越二月而生男教養成

人孝事老姑守節四十五年乾隆間 旌

林氏吳錦妻贈宜人原任道州知州吳濬母也年二十四夫歿事尊嫜撫幼子經理喪祭盡孝盡誠守節三十年乾隆間 旌

廖氏翁子琰妻年二十而寡垂白兩親遺孤五月以一身支持孝慈兼盡守節四十三年乾隆間 旌

林氏連日光妻二十六歲夫死經營喪葬盡禮誓志撫孤孤長又逝煢煢孑立苦節五十年乾隆間 旌

廖氏倪英光妻年二十一英光歿孝事舅姑嫡庶無間苦節四十一年

山氏倪珊妻夫歿辛劬撫孤守節五十一年乾隆間

旌 以上龍巖

楊氏陳奇雄妻年十八適陳踰十載而夫死哀慟幾絕念舅姑在堂兩雛在抱欲殉不能乃事姑極孝婦兼子職課子極嚴嚴慈兼至長子廣丙午舉人雍正間 旌

陳氏卽奇雄女廣之姊也許字 家夫以瘋疾廢病且篤迎氏歸夫家氏親執浣滌事夫八年夫歿以節終於家

李氏陳格非妻年二十而夫喪無子且貧矢志不貳

孝事舅姑六十七卒

陳氏朱馥妻二十二歲夫亡矢志守節乾隆間旌

以上漳平

貞烈

連氏年十七適同里劉雍夫病劇禱天願以身代備極哀誠夫歿四日入室投縵死年二十二乾隆間旌

旌

林氏女邱賢觀未昏妻賢觀病歿女欲奔喪守節夫家以媳年幼固辭遂絕粒經旬投縵死乾隆間旌

郭福姑許字羅而敬未幾而敬凶問至女曰不能生而偕老必當死而同穴遂入室自經父母舅姑憫其志遂耐而敬葬焉

張氏達周女林敬菴妻年十七夫死七日祭畢遂死觀風整俗使給香閣完人區以獎之

張氏楊國材妻年二十三而適生一女無子越三載國材歿窶甚氏自分不能終志而義不可以負悲慟旬日投縵而死族人立其夫兄子爲嗣

謝氏貢生天成女許字南靖魏氏子年十六未成婚而魏死氏奔喪不歸立孤以傳夫後立三孤俱不

育乃自經死

劉氏熙朝女許字章炎炎死氏年二十二甚悲泣欲

奔喪母不許氏不粧不食者七日而媒氏議婚接

踵氏乃理粧易服扃户自經乾隆間

旌 以上 龍巖

范氏孝廉王鏡妻性端莊不苟言動鼎革後鏡挈氏

避亂王城感憤餓死氏先與鏡永訣曰倘辱名賢

題請得稱明孝廉妻足矣遂絕

寧洋

按志乘列女之例與名宦人物諸傳不同者

三諸傳紀載一人必詳其始末與立德立功

立言之大端多至數百十言少亦數十言未

有以數語而成一傳者婦人則內守無成之

義外無出閫之言守貞殉烈可以數語括之

而他無庸書不同一也諸傳載其人必錄其

事之信今傳後者否則雖作佳傳恐難久存

故有有傳而芟之者未有無傳而列其名者

列女則事可徵者書傳事不可徵者列名不

同二也縣志府志省志體例同而其載事之

繁簡則異縣志載一邑之事其書一邑沿革

修廢官制典禮民風土俗也宜詳府志彙諸

邑之事而總其成視縣志加慎焉省志彙諸

郡之事而總其成視府志更加悔焉其立傳也亦如之於是有載之縣志而府志不錄者有載之府志而省志不錄者無他繁簡殊而所取異也獨傳列女不可以言棄取婦人生長深閨一時至性至情之所感激可以質金石泣鬼神雖古忠臣孝子何以加茲至實而察其守貞就烈之心至親如父母姊姒猶有不能知其深者况恃外人之見聞以棄取之乎故輯志者有取無棄不同三也十閩地處海澨沐浴

盛朝睢麟之德江漢汝墳之化女士皆知敦禮法重廉耻一邑之中大義所激旌懿表貞者多至數十百人外至蠻陬番社桶裙花鍋之婦守從一之義誓不它適賞一人而天下勸豈非王化之及人者深歟今續志列女因郡志所載

國朝諸傳補舊增新以續前志之所未備爲傳千百爲卷十三可謂繁且多矣然其中有例焉

國朝以前列女前志傳中備載之傳不及者又

列其名於後非若人物諸傳之有棄取也故
國朝以前者不贅福省統縣六十有二總縣志
列女之數以盈萬計若悉載續志中非所以
示體要也故名媛節烈之采專從府志而各
縣志所載者從畧惟興化無府志則採之莆
仙二志邵武有府志而纂自明時則採之邵
武續志及其屬縣志乾隆以後旌表之列女
各府志未盡載則採之各縣所呈之冊其餘
一以府志爲憑此續志編列女之義例也人
物諸傳之末俱注所出之書而此不注以不

外府志與縣冊耳或曰續志名宦人物文苑
孝義諸傳兼及前代 列女第錄本朝不紊
例乎余應之曰司馬遷作史記自黃帝至於
麟趾而儒林游俠酷吏專記漢朝之人又烏
知其非例也况紀列女之例原有異於人物
諸傳者即爰於篇末發其例以明之

附載列女二人

林氏國學生國珩女幼讀女史曉大義事父母唯謹
年十八歸太學生何麗中孝事姑嫜敬相夫子麗
中以兄鵬程歿一慟嘔血而卒時氏二十七長子

僅週歲次子尚在孕求死不得乃矢志撫孤足不
踰閩日以持家課子爲事歷節二十三載學使紀
昫旌其閩子天休庠生

閩縣節孝

楊椒冕王宏猷妻于歸後勤事女紅夫婦相敬如賓

夫病瘵卒憑尸踊泣於夫歿之斷七投繯自縊

閩縣

節孝

福建續志卷七十一終

